



16. maj 2006

**Naalakkersuisunut
-/ Her**

§ 36 apeqquut akileraarutit akitsuutillu pillugit

Inatsisartut suleriesissaanni § 36, imm. 1 naapertorlugu, Naalakkersuisunut imaattunik apeqquteqassaanga.

Akileraartarnermut aappaasumik nalunaarsuineq

Naligiissitaanermi aalajangiisartut nittartagaanni atuarneqarsinnaavoq, innuttaasoq naligiissitaanermi aalajangiisartumut maalaaruteqarsinnaasoq, innuttaasoq kommuunimi nalunaarsorneqarsimaguni aapparisami CPR-normuata ataani. Naligiissitaanermut ministerip qallunaat nunaata kommuuniini nutaani nakkutigisassatut allattugaani aammattaaq ilaavoq, nutaanik IT-t qaratsersorneqalerpata eqqaamallugu tamanna tapersersortariaqartoq, kommuunillu tassunga atatillugu innuttaasunik sullissaqaraangamik inuk kinaassusaatigut immikkut isiginiartassagaat. Taassuma ataani pingaartitatut allaqqavoq, IT-t qarasaasiaani taperserneqartoq, meeqqap ataanut anaanaanullut saaffiginninnerup pisarnissaa, kommuuni angajoqqaanut paasisutissiitillugu. IT-llu qarasaasiaani taperserneqarluni, arnat namminneq CPR-normui atorlugit allattugaanissaat, uisa ataniunngitsoq.

1. Naalakkersuisunut ilaasortamik ilisimaneqarnerluni, Kalaallit Nunaanni akileraartitsisartut sulinerminni aapparisap akileraarneranik suliap ataani taamaallaat aappariit aappaannaata CPR-normua kisimi atorneqartartoq?
2. Iluoornerarlugu akisoqassappat kissaataavoq aaqquissuinermit tassunga tunngaviup pisutaasullu paasititsissutiginnissaa. Paaserusunnarporlu, Naalakkersuisumut ilaasortap immisukkoortitsinertut ileqqoq taassuma qanoq ililluni qimanniarsarissaneraa.
3. Akileraarnermut Pisortaqarfiup Kalaallit Nunaanni akileraartitsisartut IT-vinut nutaanut immikkut piumasarisimanerlugu naligiissitaanermik innimittarneq pingaaruteqartoq qulaani oqaatigisap tulluarsarlugu ilanngunnissaa Naalakkersuisuni ilaasortap qularnaarsimanerpaa?
4. Naligiissitaanermut politikki sorleq eqqarsaatigineqarpa Akileraarnermut pisortaqarfimmut aalajangiunneqartussaq, Kalaallit Nunaanni akileraarusiinerup eqiternerata kingorna?

Akileraarutit akitsuutillu

Inatsisartut inatsisiliaani nr. 7-mi, 11. november 2004-meersumi allaqqavoq qamutit motorillit akitsuutaa pillugu inatsisartut inatsisiliaata allanngortinnerani, Naalakkersuisut akuersissutiginnisnaagaat qamutit, bussit, angallavissaq aalajangersagaq atorlugu angalasut, akitsuusiiffigineqar-nissaannut pisussaajunnaarsitaasinnaasut.



5. Inatsisip atulernerata kingorna Naalakkersuisut qasseriartutik bussenik, angalavissaq aalajangersimasoq atorlugu angalasunik akitsuusiiffigineqarnissaannut pisussaajunnaarsitaasimappat.
6. Attartortitsisariaqarneq malillugu piffissap ilaannaani innutaasunik bussit atorlugit sullisisimasut akitsuusiiffigineqarnissaannit Naalakkersuisut piffissap ataani pisussaajunnaarsitsisimanerlutik?
7. Qamutit motorillit, bussit angalasut akitsuutaannik Nunap Karsianut piffissap iluani isertissimasat Naalakkersuisunit qanoq missingersorneqarpat?

Eqqussukkanut akitsuutit pillugit Inatsisartut inatsisiliaat nr. 19, 30. oktober 1992-meersoq § 1, nr. 18 naapertorlugu, tipigissaatit, pinneraatit, tarngutillu eqqussukkatut akitsuuserneqartarput akiligassap nalingata 38 %-ianik. Akitsuuserneqarneq ajorput qaqorsaait, kigutigissaatit, quligutillu qaqorsaataannaat, unernut tarngutit, taratsut uffaait, qajuusaasat meeraaqqallu atugassaannik akullit.

8. Ukiuni 2001-miit 2005-ip tungaanut taakkununga akitsuutit Nunatta Karsianut qassit isertinneqarsimappat?
9. Pisiassat assigiinngitsut agguarlugit akitsuutaasa isertitaasa qanoq atsigineri Naalakkersuisunit oqaatigineqarsinnaappat?
10. Ingerlatseqatigiit namminersorlutillu inuutissarsiutillit, soorlu nujalerisut, isertitanut akileraartarnerup inatsisaani § 17 malillugu tipigissaatit pisiامي eqqunnerannut akitsuutigisimasatik ingerlatsinertut taasatut ilanngaatisinnaavaat?

Siornatigut taariikkap Inatsisartut inatsisiliaa § 1, nr. 3 malillugu, imigassat ethanol-imik akullit eqqunnerat akitsuuserneqartarpoq. Viinnit nalinginnaasut nerrisit, 9,1-ip 15,9-llu akornanni procentimik annertussusimigut sakkortussusillit, liiterimut akitsuutaa 47-75 koruuniusarpoq, annertussusimigut sakkortussusaa apeqqutaatillugu.

11. Akitsuuseeriaatsip piuminarnerulernissaa piviusunnigortinneqassappat, viinnip nerrisip nalinginnaasup annertussusimigut sakkortussusaa apeqqutaatinnagu akitsuusigaajunnaarpat, Nunatta Karsianut aningaasaqarneq eqqarsaatigalugu qanoq kinguneqarsinnaanera missingersorneqarsinnaava? Benchmarkingip ataatsimiititaliaata inassutaata erseqqisup taanna pillugu nalunaarusaani imm. 16.2, 2003-meersoq, malillugu.

Ullumikkumiit ullut 14-nit qaangiutsinnagit allakkiamik elektroniskimillu qallunaatut kalaalisullu allatamik inussiarnersumik akineqaqqugaluarpunga uunga lekn@gh.gl kopiialu uunga landstinget@gh.gl.

Inussiarnersumik inuulluaqqusillunga



DEMOKRAATIT
DEMOKRATERNE

Lene Knüppel
Inatsisartunut ilaasortaq